

## KIRKIRRAK ETA IGELAK.



Nola kirkirrak, ala  
igelak, kantari,  
ziralako egiñal  
guziyan maiz ari,  
kejak joan zitzaiozkan  
legoi erregeri,  
ain gogor kantatzen ez  
uzteko ayeri;  
eta onzat arturik  
erregeak ura,  
eman zioten urte  
beteko denbora,  
lur ura libratzeko  
irteteko andik,  
aren mendean ziran  
alderdietatik;  
bañan nola ibai bat  
pasa bear baitzan,  
eta au pasatzea  
kirkirrentzat gaitz zan,  
alaz ere denboraz  
zezaten pasatu,  
zubi bat egitea  
zuten an pensatu;  
eta arturik lagun  
egiteko lanak,  
oso zubi egille

onak armiarmak,  
 utzirik kantik eta  
 kanta kontuk oso,  
 zioten denak gogor  
 lanari eraso.  
 Igelak ezertara  
 sayatu etziran,  
 non beren indarretan  
 piyatzen baitziran;  
 esanaz, gu igari  
 dakigunak gera,  
 eta noiz nai ur ortan  
 pasako baikera:  
 bañan azken eguna  
 irichi zanean,  
 eta denak urtara  
 sartu ziranean,  
 bukatuba zegola  
 ordukoz zubiya,  
 etorririk ur-alde  
 bat izugarriya,  
 kirkirrak ziran pasa  
 zubiyan, eta joan,  
 eta igelak urak  
 zituben eraman.

. . . . .

Onak erakustendu  
 langillea danak,  
 geldi beren egingo  
 ditubela lanak;  
 bañan bada alperra  
 naiz azkarra izan,  
 gertatu litekela  
 igelaren gisan.